



14409

III

Mag. St. Dr.

P

Alexander

idreac


Phoebus post nubila

PANEG. et VITAE

Polon. Fol.

N^o 452

Biblioteka Jagiellońska



stdr0001787

PHOEBVS
POST NVBILA,

Auspicatissimo Hymenæo

Illustrissimi Domini

ALEXANDRI à KONIECPOLE
KONIECPOLSKI;

Regni Poloniæ Vexilliferi,

Pereaslauen: Korszun: &c.

CAPITANEI

Et Lectissima Sponse

IOANNÆ BARBARÆ
ZAMOSCIÆ,

Illustrissimorum olim Parentum

14409th

THOMÆ ZAMOYSKI,

&

CATHARINÆ

DVCISSÆ ab OSTROG

FILIAE,

Excitatus in Repotijs

*A M. ANDREA ABREK, Leopol: Ordin: Eloqu: in
Academia Zamosc: Professore.*

Anno à partu Virginis 1642. Decemb: 7.

CRACOVIAE,

In Officina Andrea Petricouij, S. R. M. Typographi.

J. a.

2. XXII. 21.

IN ARMA
ILLVSTRISSIMÆ
KONIECPOLSCIORVM,
FAMILIÆ.



Quæ super imposita est Soleæ, Soterica, forti,
Relligionem Crux, sanctaq; facta notat.
Quàm benè conueniunt duo Symbola fædere in vno;
Tàm benè confirmant posteritatis opes.
At postquàm Sponsæ, triplex Hastile, potentis,
Iunctum est; nonne recens vndiq; præsidium est?

de la Bibliotheque
d'HYACINTHE PRZYBYLSKI.



Illustrissimo Domino

D. STANISLAO à KONIECPOLE
KONIECPOLSKI,
CASTELLANO CRACOVIENSI,

Supremo Exercituum Regni Poloniæ Duci, Bu-
scen: Baren: Kouellen: &c.

CAPITANE O,

Domino & Patrono obseruandissimo.

Nter tot gratulantium, & faustissimis Hyme-
nais Illustrissima Celsitudinis Tuae FILII ap-
plaudentium voces, etiam Phæbus ex umbra-
tilibus Academia spatij post nubila sua sere-
nam exporrigens frontem accurrit: dieq; hu-
ic, quo in vita vix latiore vllum vidisti, le-
titiam suam merito iure consociat. Nimirum morem priscum
retinere instituit; quo in conuiuijs unusquisq; suam cantionem
canebat: lyraq; eam ad rem circumferebatur, quam qui accipere
detrectasset, per iocum, canere ad myrthum cogeatur. Huius
impevitum se olim confessus Themistocles, habitus est indoctior.
Ergò verebatur; nè Conuiua Tui, solis sermonibus inter luctus
tempora diem Nuptialem terentes, Symposiacum illum morem
exsuscitarent, seq; ad myrthum relegarent. Vidit, naturæ cursum
esse, vno cadente, surgere alterum: eaq; res in orbe mortales vi-
cissitudine agitari, ut intertexta tristibus lata, latis tristia, mo-
dò afficiant, modò reficiant hominem. Nihil impedire censuit,
conceptum Lectissima Nurus Tuae luctum, modesto temperare gau-

dio: eoq; ita ad tempus frui, quo nauta solent, qui hodiè pellunt vi-
no curas, cras ingens aquor iteraturi. Patere, **ILLUSTRIS-
SIME DOMINE**, ut Tua singularis humanitas est, liceat Phabo isti in
Augustâ Domo Tuâ recreari. Admitte, inconditam licet, Litera-
rum mearum vocem in sinum Tuum, & consuetâ beneuolentiâ re-
fice. Etenim inter omnia (ait Eumenius) quæ virtute Principū
ac felicitate recreantur, sint licet fortassè alia, magnitudine atq;
vtilitate potiora: nihil est tamen admirabilius hac liberalitate,
quam fouendis honorandisq; literarum studijs impertiunt. Me-
um erit, **Æternum precari Numen**, ut Tibi, **Hectori aui nostri
Sarmatico**, latus semper in omnibus & felix Phabus rideat.

Illustrissima Celsitudinis Tue

Clientis & Seruus

M. Andreas Abrek Leopold.

PHOE BV S

POST NVBILA.



Xiguus vitæ, immensus gloriæ & virtutum Illustr:
 CATHARINAE ZAMOSCIAE cursus, asperis fati
 legibus à maturitate suâ impeditus, tantum bonis
 omnibus mærorem incussit, vt in maximò Domûs
 & Dulcissimæ Sobolis eius casu, aut nullam peni-
 tûs, aut certè tardissimam illam videretur admittere consolatio-
 nem. Nec sanè immeritò. Quid enim effundat luminis Sol labo-
 rans? *Quo sanguine (canit Pœta) vena tumens roret, strato*
corde? Quâ riuus trepidet lymphâ, si fons adarescat? Hinc, vt
parua cura loquuntur, ingentes stupent, ita ad Ecclipsim Gentili-
 tiæ Ostrogiorum Ducum Lunæ, omnes hæserunt attoniti: & le-
 uem esse dolorem rati, qui consilium capere, & flectere sese pos-
 set; in animis suis vberima luctuum, tardissima consolationum
 argumenta conceperunt. Cor suum stratum Lectissimus Libe-
 rorum sanguis ingemuit. Beneficum fontem suum exaruisse ri-
 uuli tot clientum plorauerunt: & nequaquam dolori concepto
 silentium posse imperari censuerunt. Sed enim acerbitem lu-
 ctus quis ferat perennem? quis Caucasæam cordi Analgesiam
 inferat? semperq; tristis supercilij nubem in deiecto vultu gerat?
In tempestate sunt sine nube dies. Æstatem annus, hyems halcy-
onas fouet: & pij Manes non æternum se deseri volunt, quorum
 maiestas orbi uniuerso cognita. Non se perpetuis decorari la-
 chrymis volebat olim Ennius. Quòd satis belle personam suam
 egisset Augustus, optimè valere iussit amicos. Clypeo suo saluo
 lætus Epaminondas mortuus. Centum tredecim exactis annis,
 ad Senatores Romanos sese inuisentes, hilarem se mori, Bruxillus
 Philosophus, ex hisce causis quatuor, dixit. *Letus morior, pri-*
miùm, quòd non succurrit mihi, quenquam à me totâ vitâ meâ
fuisse in hac ciuitate offensum. Deindè *letus morior, cùm quanto*
Romanis dolori sit discessus meus videam. Nihil enim infelicius
 illo, cuius ob vitam omnes plorant, & in cuius morte plurimi ri-

dent. Præterea latus morior, cùm recordor, sexaginta annis, quibus Roma egi, semper me dedisse operam, ut Reipub: prodessem. Didici enim, nullam esse mortem arduosam, nisi quam vita præcessit infructuosa. Postremò latus morior, ob cultum, quem Dijs præstiti. Cùm enim respicimus, quàm inutilibus rebus vitam impendamus, dicere possumus, illo tantùm vixisse nos tempore, quod cultui Diuino tribuimus. Quod ego cùm recolligo, atq; hinc me ad auspiciatissimos Matrimonij Vestri recens contracti dies, ILLUSTRIS: CONIUGES, refero; indè ad luctum communem ex orbitu Dulcissimæ Genitricis medullitùs conceptum conuerto, anceps mente hæreo; quia eam noua doloris & gaudij lucta discerpit. Cùm illâ certè optimè actum est; quia ita laudabiliter vltimum vitæ suæ finiuit actum, ut nemo sit, qui amplissimas virtutes eius intuitus, non det plausum. Hilaris mortua: quia non ei modò soli, sed nulli vnquam succurrere potuit, totâ vitâ quenquam ab eâ offensum fuisse: omnibus discessum eius dolorem iustissimum incussisse, omnibus eam profuisse, cultum religiosissimum Deo Maximo sollicitè impendisse. Læta mortua, Inclytâ Sobole suâ saluâ. Et ut Solis mos est, etiam post occasum prodesse, pati q; lumen minus de lumine suo accendi: sic illa in occasu vitæ suæ, post nubila fati, studiosè ardet, Phæbum Vobis lucere benignissimum. Patiamini itaq; etiam Vos, eo me modo, quo flumina magnum ingressa Oceanum natiuam seruant aquam, Vestro isti Phæbo, post nubila lucenti, absq; luctûs publici diuortio, applaudere.

Ac ut indè proficiscatur Oratio mea; quis prolixissimo affectu, animos Vestros, mutuâ societate copulatos, Coniugalem vitam sanctè & prudenter ineuntes, contuitus, Phæbum in Vobis benignissimū non agnoscat? Ut enim ille non sibi soli lucet; sed in quocunq; signo Zodiaci fuerit, vniuersos terræ angulos illustrat: non parte aliquâ, sed statim totus; nec vni aut alteri, sed omnibus in commune profertur: Ita Vos maritali, contracto fædere, non KONECPOLIANVM modò aut ZAMOSCIANVM Clima, sed vniuersa Equitum Poloniæ Luminaria, recreâstis, illustrâstis. Nimirum istud maximum splendorum suorum argumentum omnes benè ordinatæ Respublicæ censuerunt, si vincula Marito-

rum &

*rum &
sancti
nexu
tudini
è quo
ret; &
ætatur
huius
lem de
alio in
mâ ma
necæ)
succes
quam
talem,
uturni
solesce
tis nece
sed viu
aperire
duò pr
quassat
Filiolo
non se
fonâ F
dixit.
ad hor
multum
ducere
duntax
res, qu
rantur
verò c
educat
lumen
absolu*

rum & Vxorum (quibus nullum vnquam fuit, aut est, prius & sanctius in orbe vinculum) fæderato Nobilissimarum Domorum nexu colligata tenerentur. Hoc vnicum esse feminarium fortitudinis & incolumitatis publicæ, prædicârunt viri quoq; cordati: è quo ventura posteritas copiosissima nominis incrementa sumeret; & famam Gentiliû suorum in recordationem posthumarum ætatum transmitteret. Quid ita? Quemadmodum enim vniuersi huius benignissima mater & conseruatrix natura, per inscrutabilem dexteræ Excelsi Dei prouidentissimæ circuitum, vnum ex alio indies producendo, conseruat & nutrit id, quod in amplissimâ machinâ mundi cernitur: ita *per Coniugium* (verba sunt Senecæ) *veluti quâdam Dijs communi felicitate, perpetuâ stirpis successionem, genus humanum vt incrementum habeat, neue vnquam desinat, efficit.* Dixerim sanè ego, vitam Coniugum mortalem, in posteris immortalem esse. Neq; enim aut temporis diuturnitate senescere, aut asperitate inclementioris fortunæ obsolescere, aut sæuiantis Martis furore deperire, aut fatali ipsâ mortis necessitate occidere potest. Non se mori Pater, cùm moritur, sed viuere, relictis successoribus, ait. Non vitam claudere, sed aperire narrat, cum Antonino Pio: qui (aiente Capitolino) bi-duò priusquàm moreretur, grauissimâ morbi vehementiâ conquassatus, conuocatis ad se amicis, accepto in gremium paruulo Filiolo, eodemq; adstantium curæ, fidei, amoris commendato; non se mori, aut ab amicis tristem discedere, sed cum illis in personâ Filij superstitem semper commorari, & indies reuiuiscere, dixit. Verumenimuerò ad nomen hoc in posteris propagandum, ad honorem Patrum in Successoribus continuandum, tametsi multum valere videam fæderata æqualium Coniugum fædera; inducere tamen in animum meum nequeo, vt concedam, solam duntaxat Familiarum dignitatem, solos Stemmatum splendor, quos aliàs minùs circumspecti Equites, curiosissimè admiran- tur; non item propria merita in ijsdem attendenda esse. Imò verò clarâ voce denuncio. Nisi maritales contractus ab honestâ educatione pullulare cæperint; nisi à Sole virtutum splendidissimo lumen suum mutuare fatagant; nisi ad earum possessionem & absolutissimum complexum attendant; non illi solidos & con- stantes

stantes in Patriam, in Ciues, in Genus suum, gloriæ fructus deriuabunt. Quali persæpè agricolam, auidè messëm in herbâ adhuc spe deuorantem, calamitate afficit grando vehemens: tali Familias afflictione macerat Coniugium minùs circumspectum: in quo duntaxat non ad educationem Coniugis honestam, sed ad educationem dotis onustam; non ad animi dotes, sed aut ad stantes in curribus Æmilianos, aut ad formam, aut ad reliqua fortunæ & corporis vitrea dona respicitur. Marcescet, (mihi credite, Coniuges imprudentes) marcescet, in ipso Coniugij vestri exordio, sperata amplitudo: & vmbatili colorata fuco, succo honestatis orbata, conceptam in animo solatij felicitatisq; expectationem eludet. Gradus primus & summus Maritalis honoris est, mutua Coniugum animi integritas, præsidio innocentis vitæ roborata: quæ beatæ fortunæ substructiones tantò firmiùs & diutiùs sustinet, quantò copiosiore amplexu virtutibus imbuta fuerit; eandēq; in posteros felicibus alueis transfuderit. Hoc olim fuit, quòd Romana gloriaretur Respublica, fortissimum Scipionū sanguinem, fatali quâdam lege, ad debellandam subiugandamq; Asiam, apud se natum fuisse. Hoc fuit, quòd Fabiorum Genus, laudi & honori bellico procreatum, cum summâ gratitudinis domesticæ, & exterarum, etiam inimicarum gentium, approbatione, ac miraculo, in complexu & amore intimo tenuit. Continuatas enim virtutum series, de manu (vt aiunt) in manū acceptas, Patres in Filijs, Filijs in Nepotibus honestissimè educatis sollicitè instillabant. Felicem ædepol tali coniunctâ fædere necessitatem Coniugum! Beatam Rempublicam! in quâ ex bonis viris, boni suscepti Liberi, bonas thoris suis consociant Sponsas. Cur non ibi Phæbum lucere dicam benignum? Cur non dicam, radijs eius lucidissimis, non Gentilitias modò in quibus nascuntur Domos, sed vniuersam Patriam, illustrari, recreari? Leonoræ Austriæ, Henrici Franciæ Regis Vxori, in publico Epithalamicorum festorum applausu, Hieroglyphes quispiam, Lunam pleno ore radiantem, Soli lucidissimo associatam, sculpi iussit, cum Lemmate hoc; *Æmula Solis*. Quo inuento innuit Vir cordatus, concathenatam animorum Viri & Vxoris stationem, mutuos Familijs suis, parare splendores: & æquè illum societati Politicæ prodesse, æquè par Ciuibus præstare lumen

lumen; ac bini illi cælestes ocelli noctu & interdiu vsui humano ancillantes præstant, profunt. Sed ego quid hæc Exotica admiror? Quid Vos Illustr: CONIUGES mutuâ hâc animorum societate contractâ, in Familiæ Vestræ Augustissimæ, in Reipub: Polonæ gloriam, vtilitatem, nolletis transfundere? Amore honesto ornamenta Nuptialium fæderum conquiruntur. Inest Vobis honestissima animorum connexio, à facilitate & candore cōmendata. Vnum spirâstis amorem; imò vnam mutuæ charitatis flammam pectoribus Vestris explicuistis. Elamitis olim, dotis nomine copiosę, Sponsa cedebat ingenua, è digito annulari, Sponso designato cruorem, potûs vice, propinans vberrimum: cor duntaxat suum, sanguinis arrhâ & teste, confirmatum, amicissimo vitæ socio proponens. Sileat hîc superstitio barbara. Testatur li- quidò Suauissima Consors Tua, SPONSE ILLVSTRIS- SIME, animi sui indiuulsi, fidei integerrimæ erga Te conceptæ argumen- tum. Non iam cordialem (vt dicitur) Annulum, sed cor ipsum, & se totam, ad Aras Dei Maximi deuouet. A Virtute & Genere splendidam in votis habebas dari Tibi cælitûs Coniugem? Hæc illa est, quæ domesticâ Illustr: Parentum virtute imbuta, totum quidquid in se erat virium, tenellis ab vnguiculis, ad cultum Di- uinum, religionem, modestiam, verecundiam, pudicitiam, cæ- terasq; animi candidi dotes adiecit. Neq; expedit verbis agere, quando res ipsa loquitur. Crates olim Thebanus, edito conscen- so monte, sic apud Ciues suos conquestus fuisse legitur: *Quò feri- mini o mortales? quid ad conquirendas facultates, ita auidè, ita studiosè anhelatis? Sobolis autem vestra, cui eas relinquitis, exigua- am, ac penè nullam habetis curam.* Puderet procul dubiò nunc illum querelæ suæ, si educationem Illustr: ZAMOSCIAE Sobolis cerneret, in eo vel maximè occupatam, nè de publicâ & pri- uatâ institutione eius quispiam vel tantillum conqueratur. Enim- uerò etiam Tu, Lectissima SPONSA, re ipsâ querelam hanc re- futas: quæ ætate florens, facie liberalis, vultu ingenua, formâ ve- nuſta; præterquàm, quòd per ipsam naturæ & indolis bonitatem, ex Te tui reuerentiam, fugamq; omnium delictorum habeas; per educationis tamen solidæ bonum, præclarissimas virtutum dotes es consecuta. Ducebat Te eam ad rem Illustr: Genitor, & rarif-
B
simo

sumo alias in alijs exemplo, in præparato excultoq; per ingenuas
 res animo, ad integerrimam vitæ honestatem, morum graui-
 tatem, silentij fidem, sermonis verecundiam, factorum modesti-
 am, & ad alia pretiosissima Matronatum ornamenta, author in-
 formatorq; existit. Æquale huic, Dulcissimæ Genitricis studium
 adfuerat. Nam quod olim Blancæ, Eustachij Comitis Bononien-
 sis Vxori datum erat Elogium; *Homines genuit, Angelos fecit*:
 idem ipsum Sapientissimæ Mulieri CATHARINAE Ducissæ ab
 Ostrog ZAMOSCIAE, omnium ore datur. Non Te illa docuit
 tantum virtutem omnem; sed quamcunq; ipsamet ageret (age-
 bat autem maximas, creberrimè, & studiosissimè) comitem Te
 eius, consciam, & sociam adsciscebatur. Digna sanè fueras, quæ
 illis in amorem Tui raperes Sponsum virtutis amantissimum. Di-
 gna fueras, quæ animo eius arrideres; KONIECPOLSCIANAE
 Paternæ, Maternæ LVBOMIRSCIORVM Domui, Paternos
 Tuos ZAMOSCIAE, Maternos OSTROGII Ducum Domus,
 splendores sociare. Quid enim aut in his, aut in illis, non am-
 plum, non Diuinum reperias? Nolim longam amplissimorum
 ZAMOSCII Stemmatis Atauorum seriem recensere; ne vnum
 idemque, quod alibi, quantum vires sinebant, profecutus sum, vi-
 dear repetere. Pios IOANNIS & THOMAE Cancellariorum
 Regni Manes, vt debeo, religiosè veneror. Nulla fuit laus in Re-
 pub: illustris, nullum tam insigne meritum, nullus rerum magna-
 rum status, nulla dignitatû prærogatiua, in quibus Vtriusq; indo-
 les Heroica non insudârit. Illius Neptem, huius Filiam, è Sanguine
 Ducum in OSTROG susceptam, Sanguini Tuo Illustriss: Sponse,
 sociatâ, quis non gaudeat? quis non intimè gratuletur? Viuerent
 vtinam in diem hunc, vt æternum viuere, si mortalitas fuisset, di-
 gni erant, Eliæ, Constantini, Ianussij, Alexandri, Ostrogij DV-
 CES, & Nuptialibus istis festis interessent: profectò, vt ardentis-
 simo semper in rem & Nomen Polonum propagandum propu-
 gnandumq; æstuabant animo, eum ipsum in gratulationem com-
 munem expedirent: & augurarentur, futurum fore, vt de Sanguine
 suo bellicoso assumpta Sponsa, in Domum Mariti æquè bellico-
 sam, hæreditarijs Patriam illustret splendoribus. Par isti affectui
 affectus Tarnouiorum, Herburtorum, Ociesciorum, Zaclauiorum,
 Odro-

Odrowaziorum, Kostkarum : quorum ego laudes non modò exornare, sed nè enarrare quidem valeo. Quidni verò Magnæ illæ Animæ prolixas è coelo in auspicatissimum hoc Cōiugium Tuum, Illustriss: S P O N S E, benedictiones impluant ? Cur in corde bonorum candido spes fortunatum publicarum ingentes non exaggerent ? Seu enim Stemma Gentilitium *P O B O G*, in numerosissimas Familiarum radices distinctum, continuâ per centenos annorum recursus serie, & hæreditariâ virtute, in Successoribus semper celeberrimum, respexerimus ; seu Te ipsum, id est , Heroicarum virtutum collegium, assumpserimus : magnis ab vtrinq; animi omnium distinentur votis & ominibus. Pobogios certè, si dixero, præter rem & nomen Dei augendam, nihil vnquàm impensius egisse ; secundum Deum, nullam alibi maiorem operam collocasse, quàm ad ornandam defendendamq; Patriam ; non errabo. Dixero, illas delicatissimas Poloni soli plantulas fuisse, quæ quocunq; oculos in latè & longè patētibus oris & Districtibus flexeris, fertilissimos semper & à radice non degeneres palmites produxerunt. Ne sic malè dixero. Quemadmodum enim vitis generosa, cùm à terrâ rectissimè ramos in altum porrigit, quos sibi fructus agricolæ polliceri debeant, illo ramorum foliorumq; decentissimo vestitu præmonet. Haud aliter Pobogij Equites, cùm nollent amplissimum Genus suum, quasi desertum & incultum, horrere virgultis barbariei ; vbi primùm in Sarmatiam sunt introducti, non prius perstiterunt palmites ac fructus vberimos ex se prodere ; quàm Alma Mater Polonia gratulabunda, eorum ipsorum virtutem, & ita ardens in exaggerandâ per Nepotes libertate communi studium, meritissimis præmijs exornasset. Liberant me palpani suspicione Sellæ Curules, Fasces, Trabæ, Laticlauia, Palatinorum, Castellanorum, Cancellariorum, Præfectorum, Capitaneorum. Iucundam in animis omnium memoriam excitant, Predborij, Iacobi, Ioannes, Nicolai, antiquioris æui, ad Annum 1549. Heroës : quorum celeberrima in Patriam merita, honores publicos, in Siradiâ, Lenciciâ, Sandomiriâ, Præmisiâ, Leopoli, summâ cum dignitate perfunctos, Annales Sarmatici pleno ore prædicant : sacra autem cinerum busta, alia Konięcpolianum Mausolæum, alia in patrio & hæreditario Solo Wielkomłynenſe

per eodẽm liberalissimè erectum, & collocupletatum Cœnobium tegit. Prolixus sim, si stirpes horum singulas recenseam. Recentiorum temporũ, ab AVGVSTI & BATTHOREI Regum Scep̃tris, lumina & columnina, Stanislai Capit: Wielun: Filij, Viri, seu Martem, seu Artem spectes, nobilissimi, prodeat AVVS, & Illustr: GENITOR Tuus: in quorum laudes decantandas, si possem, vellem, etiam ipsum cum Nouensili Musarum Senatu Apollinem è Parnasso suo euocare. Immortalem AVI Palatini Sirad: fortitudinis & gloriæ bellicæ testem, cum Moschouiam, Valachiam, Liunioniam, Scythiam; tum potissimum Byczynam, appello: in cuius ille campis, tergiuersantibus, & iam iam instanti acriter hosti terga vertere cogitantibus nonnullis Præfectis, rem & nomen Martium Aquilæ Polonæ restituit: æmulum Regni, communicatâ cum bellicosissimis Ducibus operâ, è finibus amouit: braccatos coruos, in volas & perniciem nostram vincula & catastas expedientes, & iam (ô superbiam!) vno asse decem ingenua Polonorum capita ad cyathũ vini cum Baccho licitantes, vindice ferro vltus, in sua lustra abegit alios, alios in infame lignum agi egit, Tanto ex Æneâ, non poterant nasci, nisi Anchisioniadæ, id est, POBOGII: qui Dei primũ cultum ardentissimè agerent; secundũ Deum, Patriæ & Ciuium salutem seruirent. Ac REMIGIVS quidem Episcopus Chel̃mensis, Abbatæ Andreouiensis Administrator, paucos ante annos fato in cælum vocatus, quantâ erga Deum religione, innocentia vitæ, fulserit; nullius peregrinantur aures. Mihi si linguæ centum sint, oraq; centum, nequaquàm in laudibus eius sufficerent. Suffecerit vnicum illud, quia verissimum, & illi accommodatissimum, dixisse: *Sacerdos in diebus vite sue magnus, placuit Deo.* Germanus eius præsens PALATINVS Bel̃zensis, qui Vir sit, quis dignè edisserat? Consilium exquiris? Consum habes. Prudentiam flagitas? Argus alter, & Ianus est: præsentium, futurorum, præteritorumq; accuratissimus explorator. Fortitudinem in periculis, dexteritatem in agendo, exigis? Campos illos Martios, in quibus Supremam Regni Aquilam circumferens, pro re Patriæ, contra diuersos hostes, generositas sua mascula strenuè & feliciter decertauit admirare. At enim miserum me, Illustrissime SPONSE, qui hæc apud Te, de Magnis

Patruis

Patruis Tuis, ita steriliter ago. Age verò, vt Tua summa humanitas est, suppleat Diuina & incredibilis virtus Illustr: GENITORIS Tui. In suo olim Pompeio Tullius, quatuor hæc Imperatoria decora, Virtutem, Authoritatem, Scientiam rei militaris, Felicitatem, impensè admiratus est. Nec iniuriâ. Cùm enim ex naturâ suâ, & temeritate insinuantis sese fortunæ, in bello dubijs Mars claudicet armis: & præliorum indicendorum rationes ac initia, in nostrâ plerumq; voluntate consistant; progressionem autem, euentus, ac terminos, aut prorsus nesciamus, aut occulto facto, aut spei ancipiti, committamus: fit, vt nisi integritas animi Imperatoribus subsit, Superos sperare secundos non iubeat: nisi virtutem ducem in re bellicâ conficiendâ sequantur; audaciam pro fortitudine, pertinaciam pro constantiâ, temeritatem pro consilio, cæteraq; eius farinæ vitia, & in se ipsos, & in exercitum suum introducant. *Imperatoria acies* (dixit quispiam) *non armorum magis genere, quàm integrâ & purâ mente, contra hostem armata stare debet.* Quia hæc vtrâq; ponere comes sequitur victoria. *Omnia subsident meliori peruia parti.* Imperator, nè sese claro titulo deformet, & tantò conspectius animi impotentis vitium obijciat, quantò in honore bellico maior est; taliter se in actionibus singulis gerat, opus habet: vt neq; quibus præest, in castris specie virtutis fumos vendat; neq;, quod vnicum est in omnibus malis bonum, in seipso extinguat peccandi licetiam, atq; verecundiam. Quemadmodum enim Medici nullum morborum genus formidabilius esse censent, quàm quod ægrotis male sensum eripit: ita qui animorum morbis conquassatus bellicum sumit regimen; & interim superbiâ, iniustitiâ plenus, grauem se esse, prouidum, seuerum, iactitat; præter hoc, quòd suâ venenatâ scabiè totum corrumpat exercitum, ad consumatam descendit amentiam: vt quæ impiè, quæ impudenter agit, excuset potius, quàm excutiat. Iam si idem ipse ita à Virtute relictus, imò Virtutem relinquens, rei militaris coniungat imperitiam: si nullam in castris metandis, legionibus ordinandis, locis capiendis, vallis subducendis, vrbibus ac arcibus obsidendis, expugnandis, rationem teneat: quid tandem boni illi Reipub: de tali Duce pollicendum est? vel potius, quid mali à tali Duce non timendum est?

Varronem ea in sinu suo alit temerarium: illum inquam Varronē, qui vt erat genere lano, & carnibus potiùs bouum dissecandis, quàm regendo exercitui aptior; ita è macellariâ tabernâ adicitus, rei bellicæ imperitior, pertinacior, numerosam ad Cannas Equitum Romanorum manum, Annibalis gladio, in funestissimam laniemam subiecit. Et profectò, vt omnia à longè experiri consilia, omnes nôsse bellandi modos, omnia callere stratagemata, Imperatorem gnarum, & (vt Homeri verbo vtar) Thimolecontem conuenit: ita nil turpius in Repub: dari potest, quàm Phormioni cuiusdam Herculis Clauam dare: qui sciat quidē ad focum cum Baccho & Cerere, de aggrediēdo & conficiendo hoste, disertissimos ventoso ore formare conceptus; sed idem ipse, vbi manus conferendæ sunt, ad primum tympani sonitū, aut couino sese includit, aut citiùs pedes fugæ, quàm manus pugnæ adaptat. Ergo ab illius hâc dexteritate bellandi Martiâ, prouincias & fines Regni ad vltimam Thulen ampliandos, Ciues ab hostili incursione defendendos, augurabimur? Ecce verò Authoritatem eius non domestici modò contemptam habent, socij rident, commilitones negligunt, verùm etiâ hostes ex opinione conceptæ malæ famæ dū exhibitant, tot editis incolarū cladibus, tot factis ciuitatū ruinis, tot abactis captiuorum gregibus, impunè ad lustra sua ouantes reuertuntur. Quidni reuertantur, & audaciores rursùs prædabundi inuolent? cū quæ sit Authoritas, quàm sinistra in pugnis Felicitas, cū suâ, tūm alienâ cognoscāt experiētiâ. Ego certè sic existimo. Vt magnis quibusq; Viris, ad res magnas benè gerendas, Diuinitùs adiuncta fortuna, summa in Imploijs peperit ornamenta; ita eum Ducem, quem mala Cunina infelicibus Mysorum vberibus ad omne infortunium Reipub: ablaetavit, nullius apud hostem momenti esse. *Pro omnibus armis* (canit Silius Italicus) *unum Annibalis sat nomen erat.* Sat erat nomē Alexandri, ad cuius terrorem felicitatēq; vniuersus ferè orbis contremuit. Neq; cū hâc profero, reprehensionem apud Te S P O N S E Illustr: vt spero, incurram aliquam. Dū enim me Annibalem, Alexandrum, à Virtute, Scientiâ rei militaris, Authoritate, Felicitate, commendatos Heroas, meminisse cogitas; insimul Supremum Regni Poloniæ Exercituum Ducem, Dulcissimum.

num PARENTEM Tuum cogitas. An enim horum aliquid ad æternam commendationem nominis eius deest? vel potius, an non omne id, quodcunq; in Ducibus magnum aliquandò exstitit, in illo elucet? quod nullus vnquam foris Tacitus tacebit; nullus domi Długossius, vel ipso suo cognomine longior prolixiorq;, satis enarrabit. Ex eo ipso tempore, quo è ludo literario egressus in castra venit, ceu beneficium sydus, in spem surgentis bellici honoris, natum eum suspexit Polonia. Tyronem adhuc, cum Hercule, Ioue dignum, ad reprimendas Barbarorum hydras fortissimâ Domo procreatum vaticinata est. Nec conceptum omen in ventos abiit. Quantacunq; terrarum spatia sinu suo complectitur Istula, Albis, Ister, Borysthenes, Tanais: in omnibus his scientia eius bellica peruagata est. Quidquid regionum numeratur à Ponto Euxino, ad mare Balthicum; ab extremis Lithuanix finibus, ad Moschouix & Suecorum vsq; Regna: ea omnia singularem rei militaris peritiam suspexerunt. Quo in passu, vt res ipsa loquatur, recurrant velim Moschouitica prælia, in quibus res Polonis erat, non tam cum efferato & barbaro populo, quàm cum barbarie, feritate, feris ipsis. Istis omnibus, & in recuperando Smolensco, quanta se indoles atq; fortitudo Bellicosissimi Parentis Tui explicuerit, cum æternæ memoriæ STANISLAI ZOLKIEVII fidem, cui gratissimus semper exstitit, consiliorum laborumq; castrensium indiuisus Achates adstitit; tùm Sacrosanctos SIGISMUNDI III. Manes appello. Appello, infelicia alioquin, sed iam æternâ oblitterata Amnistiâ Patriæ tempora: quorum curiosa suspicio, hinc Regium, indè Ciuilem animum, in diuersas partes distraxerat. Partem in his eam tenuit, quæ meliori fuit peruia causæ. Causæ ei adstitit, quæ eò, quòd bona esset, triumphauit. Mitto depressos, & è patrio solo depulso cum Chano & Kantimiro latrocinantium Scytharum greges. Non commemoro spe delusum suâ Abazium Bassam. Taceo Eunus, Herdonios, Atheniones, Sparthacos, cæterosq; eius farinæ gladiatores; Putiulios, Pawlukos, sub auspicijs eius Imperatorijs, fulmineâ NICOLAI POTOCII Campestris Exercituum Ducis dexterâ, armis exutos, è nefarijs castris ad rastra seruilia redire cōactos. Ferentur sanè, & prædicabuntur æternùm prælia illa,
cum Gu-

cum Gustavo Adolpho Sudermaniæ Principe, in Prussiâ feliciter
 inita, & confecta. STANISLAI KONIECPOLSKI Suprem
 Exercituum Regni Poloniæ Imperatoris sunt monumenta, tro
 phæa, triumphus, ad Hamerstinum, Anno 1627. April. 17. Gusta
 uianorum fulæ attritæq; phalanges, Signa Equestria 14. Pede
 stria 13. pedibus Regijs subiecta: Obesterij, Skroff, Taunel, Lei
 tenant, Kiedryei, cæteri; præcipui exercitûs instructissimi Co
 lonelli, cum Aquilis suis, pro Comitibus publicis, Regno, laboris fi
 deiq; Imperatoriæ indices, exhibiti. Quid commemorê Baldissios,
 cum suis Centurionibus, tam virtute & campo aperto, quàm
 stratagematibus acutis, prudentissimè, sine vllâ prolapsione suo
 rum, profligatos? Age nunc superbissime Kacenbach, Signum
 tuum explica? Leonem scilicet, Polonos gladio ferientem, cum
 Inscriptione; *Deus Suecorum & Pomeranorum amicus, Po
 lonorum inimicus*: Itanè Deus tibi Leo Scandicus, Hæreticus,
 Leo rugiens, quærês quem deuoret? EN STANISLAVS KONIEC
 POLSKI Pobogius, contra te, & Leonem tuum, Dei primùm,
 secundùm hunc, Patriæ honorem agit. Æquè faucibus Heri tui
 Pomeraniam eripit, atq; olim eripuerat Polonus, apud Matthiam
 Coruinum Hungariæ Regem, Leoni ad deuorandum se submisso
 bubulam, inquiring. *Da offam canis*. Erige Ludrice Linge La
 barum, & Gruem flauum, cum Lemmate, *Vigilemus*, expande.
 Vigilâsti, cum antesignano tuo Sudermano, ad rapinas; non nego.
 Infestâsti vicinam, & nil eiusmodi sperantem Prussiam, quòd ni
 hil causæ ad se infestandam dedisset; concedo. Rostrum nihilo
 minùs tuum infame, æquè vt Kluchtini Equus recalcitrans, Bu
 dratus, Breliferdus, Derlet, Piëtir, cæteri; Commilitones, &
 Capitanei, compedes, & vindices pænas agnouerūt. Koniecpolia
 na hæc sunt ad æternitatem temporum monumenta, trophæa,
 triumphus. Testes eorum, amplissimi in Patriâ perfuncti honores,
 Sandomiriensis primùm Palatini Curulis Sella, post, ipsâ sic exi
 gente Themide, Cracou: Castellanus. Verùm quid hæc ego
 amplius illotâ (quod dicitur) manu attrectare audeam? Istis,
 istis ille Te, Illustrissime SPONSE, Virtutum laborumq; suorum
 gradibus currere voluit ad honores Patrios. Nam cum longè
 iustius, quàm olim Marius, dicere de se ipso potuisset; *Parum*
placebat

placeb
 illa mu
 gitare,
 xtâ pa
 lerare
 uile, k
 ver an
 rarum
 etatis
 quâ no
 tum a
 tur: a
 menti
 conte
 & mu
 gium,
 catæ p
 feliciu
 plerun
 quibu
 quæ v
 ges,
 ones,
 fiden
 rum n
 filio a
 ribus
 in Ga
 eius c
 mo su
 quibu
 nabat
 bus se
 ter, n
 scent
 non l

placebat eas ediscere literas, quæ ad virtutem nil proderant : at illa multò optima Reipub : doctus sum, hostem ferire, præsidia agitare, nihil metuere, nisi turpem famam ; hyemem & æstatem iuxta pati, humi requiescere, eodem tempore inedia & laborem tolerare. His ego præceptis militem hortabor : hoc est utile, hoc civile, hoc castrense imperium. Ita ætatem Tuam primulam, & ver annorum, iuxta eandem regulam & amussim, honestissimis literarum studijs, ad Almam Academiam Cracou : inexhaustum pietatis & eruditionis solidæ fontem, imbui sollicitè procurauit. Ex quâ non lingua magis, quàm vita formaretur; non plausibilis tantum ad speciem decor, sed verus & publicus splendor quæreretur : ac exindè Patria Tuis fructibus suos fructus, Tuis ornamentis sua ornamenta communicata lætaretur. Nec dum his contentus; transmisit indolem Tuam, ad maturiores experientiæ & multiplicis prudentiæ satus concipiendos, in Germaniam, Belgium, Galliam, Italiam, cæterosq; populos. Scilicet sicut delicatæ plantulæ, si interdum è natiuo transferantur solo, citius & felicius crescunt : sic ingenua Adolescentum ingenia cum fructu plerumq; vberimo Patrios penates ad tempus deferunt. Porro, quibus exterarum gentium perlustratio minùs cordi arridet; & quæ vicinorum remotiorumq; populorum imperij forma, quæ leges, qui bellandi modi, quæ fanciendorum fæderum rationes, quæ urbium ædificandarum, arcium muniendarum, obfidendarum, expugnandarum, acierum ordinandarum, castrorum metandorum, argumenta, cognoscere non satagunt : illi cōsilio ac dexteritate agendi domi excellere, vtriusq; Patriæ temporibus commodè prudenterq; subuenire, nequaquam possunt. Erat in Galliâ (meminit Ferrerius) vnicus Matri Filius, ita in amore eius concepto pertinaci, vt nè latum quidem vnguem peregrè domo suâ discedere eum pateretur. Multis instabat modis Filius, quibus sese ex illis domesticis caueis expediret. Multos subordinabat viros, qui ad intentum suum cor maternum persuasionibus solidis inflecterent. Surdo fabula. Tum ille; *De Filio, ô Mater, non facias idolum.* Senile sanè & prudentissimum Adolescentuli dictum. Quid ita? Idoli natura est, vt os habeat; sed non loquatur: vt aures habeat, sed non audiat: vt pedes habeat;

sed non ambulet: vt habeat manus; sed non palpet. Videmus,
heu! videmus, ploramusq; à minùs circumspèctis Matribus Fili-
os domesticis focis inclusos; idola dixisse debueram, nescio
quarum pantherarum pellibus infarcinata, stragulata. Os patens
habent, sed in negotijs Patriæ non loquuntur. Aures habent, ad
rumusculos curiosè captandos; ad Imperatorum mōitiones, in-
uitationes castrenses, surdi. Vtere in acie manibus & pedibus e-
orum: manus quidem ibi habent, non vt pugnent, sed vt vicino-
rum lares expugnent: pedes quidem habent, sed auritos; vt vbi
buccina insonuerit, celeriores Euro fugiant. Non passi sunt Pru-
dentissimi Parentes Tui, *ô S P Q R*, vt similem Gallo illi Adole-
scenti petitionem apud se de lustrandis exteris nationibus infer-
res. Imò verò præoccupârunt laudabilia cogitata Tua; vt tamen
si domesticis, benè beateq; viuendi, abundares præceptis, eumq;
iam in Patriâ tenere cursum potuisses, qui optimo cuiq; Ciui pa-
tuit; prudentiæ tamen maioris colligendæ, confirmandi consilij,
morum, legum, bellorum cognoscendorum ergò, in memora-
tas à me regiones generosum animum Tuum transmi-
serunt: vt exindè quod salutare, quod fructuosum Patriæ fo-
rèt, tanquam in mercatu quopiam, auspicatissimè conquireres.
Hieronem Syracusanorum Principem, quòd ex omnibus Maio-
rum suorum, laudatissimorumq; Heroum virtutibus, florem, sum-
mumq; decus decerpere, & quæ optima forent, ex creberrimâ
delibatione, apum more, in suum animi mellificium, conuertere
solitus fuisset; nunquam satis dignè encomijs celebrare poterat
Pindarus, imitationi inaccessus. Ego verò quæ merita in laudem
Tuam congeram argumenta? quòd in perlustratis feliciter tot &
talibus regionibus; ex complexu, familiaritate, alloquio, accessi-
one, intuitu, vsu, prudentissimorum Principum, fortissimorum
Imperatorum, ordinatissimorum castrorum, arcium, acierum;
animum & mentem solidam ipsâ illâ conformatione robora-
res. O Te fato benignissimo, & adspirantibus omnium bonorū
votis, Poloniæ redditum! ijs præsertim temporibus, vbi prudenti
Ciuium Consilio, Heroico militum animo, opus habet. Age
iam, spes & expectationem communem amplifica; concepta bo-
norum desideria imple: Vt Aquila hæc Regni nostri publica, de-
xteræ

ateret. Tuæ masculæ à Sereniss. VLADISLAVO IV. Patriæ Patre con-
 credata agat & augeat semper rem Polonam. Sol Tibi Pater lu-
 cet, lucet Luna æmula Soli Dulcissima Mater LVBOMIRSCIA.
 Infidet in animo generosa Vtriusq; virtus, quæ noctes & dies
 animum gloriæ stimulis concitet, atq; admoneat, non cum vitæ
 tempore dimittendam esse commemorationem nominis, sed
 cum omni posteritate adæquandam. Ac LVBOMIRSCIANÆ
 quidem Gentis amplitudinem, qui velit comprehendere, compre-
 hendat prius, si potest, Gentilitiæ SERENIÆVÆ guttas. *Srenia-
 ua*, (ait Dlugossus) *quod nullis annibus in Poloniâ suppetit,
 nec Solis fervore, nec hyemali constrictione, diminuitur in alueis;
 sed æquo tenore retinet undas. Solus de siccitate, & frigoris im-
 mensitate non conqueritur. Solus supernos imbres, & caelestes
 pluuias non requirit: sed naturali fecunditate diues, ad æstus, &
 pruina intemperiem, non horrescit.* Lubormiscia Domus, hoc
 habet; vt nec ab hac vicinorum parte, quâ Sol feruet medius;
 nec ab eâ, quâ intenso frigore, Moschus, Suecus, Liuo, riget;
 nec ab his regionibus, vbi orbis Tyrannus Turca, Scythes, Va-
 lachus, Regno imminet; nec ab illis partibus, quarum insidias oc-
 cumbens ad Hesperus tempus occultat, constringi possit. Siccita-
 tem in illâ, & frigora tenacitatis sordidæ, nemo vnquam bonorum
 conquestus est. Gentilitiâ Virorum fecunditate diues, aduersus
 omnes barbarici impetûs æstus, ad omnem hostilis pruinae intem-
 periem, non horrescit. Neq; hic Maiores primos à longè repe-
 tam; ipsis etiam literis, antequam in Poloniâ exordium sumpsis-
 sent suum, maiores. Compendium & Collegium virtutis & glo-
 riæ Lubomirscianæ, STANISLAVM Palatinum & Generalem
 Capit: Cracou: quis laudibus dignis efferat? Ludouicum Mod-
 morentiû, Exercitus Gallici Ducem, Oratorum quispiam sic lau-
 dauit; *In omnibus expeditionibus fuisti victoriosus; at in Vien-
 nensi gloriosus. In alijs vocatus es Imperator: in hac Pater, &
 Seruator.* Mihi sanè, STANISLAVO LVBOMIRSCIO, tametsi
 sint plurima alia, quæ in illo iurè admirari debeam; bonâ omnium
 veniâ liceat, pro immortalibus in Patriam ad Chocimum collatis
 beneficijs, hoc dare Elogium: In omnibus expeditionibus fuit Vi-
 ctoriosus; at in Chocimensi Gloriosus: in hac, Pater & Seruator.

Tanta in Te, ô S P O N S E, tanta Lubomirscix Gentis, & cum eâ
 connexa, Zebrzydouiæ, Tarnouiæ, Braniciæ, Stadniciæ, cætera-
 rûq; Nobilissimarû Domorû Propaginis, laus destillat. Age iam, &
 auge, cum spe Patriæ præconceptâ, Mutuas Familias. Effice, vt in
 canâ maturitate meritorum, nec formam mutant, nec senium
 extimescât. En Tibi Admeto & Vlyssi Alcestis & Penelope Tua,
 vitæ & amoris indiuulsa Socia, dulcè ridet. En Amicorum &
 bonorum omnium vota applaudunt. Annue Optime Ma-
 xime Coniugij huius Author Deus: Suauissimis Sponsis
 initû Hymenæum prosperû, ætatem longæuam læ-
 tamq; largire: & quæ prima ac maxima votorû
 summa est, effice, vt Vtrosq; bonâ & pul-
 chrâ prole Parentes beatos
 videamus.

DIXI.



J. XXII. 21.

m eâ
etera-
am,&
, vt in
nium
Tua,
um &
Ma-
is

